



**Future-proofing
our children**

Sikolo sa lasunda: Sitopa sa banana ba bainyani

Toho ya Tuto

Tapelo- Mo lu swanela ku lapelela

Buka ya Bashemi
Sikolo sa la Sunda sa mwa malapa



Balatiwa Bashemi

Mwa amuhelwa kwa tuto ye li “**Tapelo - Mo lu swanela ku lapelela**” ya sikolo sa lasunda ya banana ba bainya. Pampili ye i mifa kabukuswani kamo muka lutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku itukiseza kufa hande tuto: • Bibe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisma ni buka ya lipuzo ni likalabo (Kwa banana ba bali mwa litopa za Tiisezo) Mamela: 2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa malapa

Mo kuswanehela ku itukiseza ni kufa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.





Tuto

Toho ya tuto

Tapelo

Mutomo/ butokwa bwa tuto

U kona ku bulelela Ndataluna ya kwa lihalimu lika kaufela.
U alaba likupo za hao ku ya ka tato ya hae.

Tuto ye kusufalizwe

- Ha lu lapela, lu bulela ku Mulimu.
- Mulena Jesu na lutile ba lutiwa ba hae, mo ba swanele ku lapelela.
- Tapelo i swanela ku zwelela kwa tasa lipulu za luna, ha i swaneli ku ba inge ku bala kamba inge mukanga.
- Lu swanela ku beya mihupulo ya luna kwa tapelo, ni haikaba kuli yo muñwi wa lapela ni yena.
- Lu kona ku ya ku Ndataluna ya kwa lihalimu ni litakazo ni likupo za luna kaufela, kono ha lu swanlei ku libala buitumelo bwa luna ni ku lapelela ba bamwi kamita.

Lu lapela cwañi?

Ha lu lati kuli, kube ni sesimwi se sika lu lulyanganisa/ sitatalisa ha lu lapela ku Ndataluna ya kwa lihalimu, kacwalo lwa kubama, lu kwala meeto aluna (ku itima) ni ku inamisa litho za luna.
Mazoho aluna a swaliwa/putiwa hande. Lu bata ku lapela ka lipilu za luna kaufela nako ni nako.

Lu lapela lili ?

Lu lapela ka kakisana ni manzibuana zazi ni zazi, mane cwalo ni pili lu sika ca kale lico za luna. Lu kona ku lapela cwalo, ni nako ifi kamba ifi ha lu ikutwa kuli lu bata ku bulela ni Ndataluna ya kwa lihalimu.

Lu kala/tateka cwañi litapelo za luna?

Lu swanela ku **kala tapelo ya luna nako ni nako ka tumbo ni buitumelo**. Ka samulaho, cwale lu bulelela Jesu lika kaufela ze inzi mwa lipilu za luna.

Lu lapela lili mwa keleke? Lu lapela:

- Pili sebelezo isika kala/tateka kale,
- Tapelo ya Mulena,
- Kasamulaho, Muteleli sa swalezi libi za luna,
- Kwa mafelelezo a sebelezo,
- Kwa ma kalelo ni kwa ma felelezo a sikolo sa banana sa la Sunda.



Lu lapelela sika mañi?

Lu itumela ku Mulimu kwa:	Lu kupa Mulimu ku:
- Kwa lico za luna- ni hai kaba sinkwa feela. - Pabalelo ya mañgeloi - Pabalelo ya mañgeloi a hae mwa musihali ni busihu. - Bashemi ni balikani ba luna. - Makete a luna ni kwa lico ze lu swanela ku ca. - Baeteleli ba keleke ba lu file, ni ku mu kupa kuli a ba fuyole nako kaufela, ni - Maluti ba luna ba sikolo sa la Sunda ni maluti ba luna ba kwa likolo za lifasi.	- Sileleza mabasi ni balikani ba luna. - Folisa baba kula ni kuli baba hande hape - Tusa ba ba shebile/ ba butokwa tuso - Fuyola mwa Apositola wa luna yo muhulu, mwa Apositola wa sikiliti - Luma Jesu kuli a to lunga, ni - Lu tusa ku ba baba latelela ni ku ba ni sishemo ku ba bamwi.

Tuto ye italusañi ku luna kacenu?

- Ha lu lapela, lu bulela ku Mulimu - Lu kona ku bulelela Ndataluna ya kwa lihalimu lika kaufela. U teezeza ku ze lukupa kaufela.. - Lu swanela ku lumba ni ku itumela ku Ndataluna ya kwa lihalimu, pili lu sika fitisa kale li likupo za luna ni ku lapelela ba bamwi. - Nako ni nako lu lemuhe/hupule kuli uka lufa feela zeli za butokwa ni zende ku luna. - Lu swanela ku lapelela ku kuta kwa Jesu, kakuli lwa mulata mi lu bata ku ba ni yena nako kaufela.
--



Lipuzo zemwi ze lu kona ku buza:

P: Lu lapela cwañi?

K: Lwa kubana fafasi fa mañwele a luna, lu swala mazoho aluna, lu inamisa litoho za luna ni ku kwala meeto aluna (ku itima).

P: Lu lapelala bo mañi mi hape lu itumela sika mañi ku Mulimu ha lu lapela?

K: Bashemi ba luna, Baeteli ba keleke ni balikani ba luna, hamoho cwalo ni Maluti ba luna ba sikolo sa la Sunda ni maluti ba luna ba kwa likolo za lifasi. Makete a luna ni kwa lico ze lu swanela ku ca, mane cwalo kwa ku lusileleza ni balikani ba luna

P: Lu kupa sika mañi ku Mulimu, ha lu lapela?

K: Ku lu sileleza, ku sileleza bashemi, mabasi ni balikani ba luna.

- Ku folisa balikani ba luna ba kula ni kuli babe hande hape
- Ku lu tusa ku ba baba latelela ni ku tusa baba shebile ba ba tokwa tuso.
- Ku fuyola ni ku sileleza ba Apositola ba luna, mane cwalo ni ku kuta kwa hae ku to lunga.

Litapelo za luna

Tapelo ya bo Ndate ni Boma ye fiwa pili tuto isi ka tateka:

*Mulimu ya lateha. Lwa itumela kwa lizazi la kachenu
Fuyola bashemi ni banana ba luna
Tusa kuli lukone ku lemuha ku bateni kwa Hao
Fuyola tuto ye lu taba ni yona
Lwa kupa, ulu lute mo lu swanela kuku sebeleza
Mi ulutuse ku eza tato ya Hao
Kuli lu hule mwa kuba bukaufi ni Wena
Luma Jesu ato lunga
Mi ulutuse kuba baba itukiselize ku mukatanyeza*

Amen



Tapelo kasamulaho wa tuto

Ndate ya mwa lihalimu, ni itumele ku wena kwa pabalelo ya hao ya kacenu mi ni kuli hakuna kozi ye ezahezi hane lu bapala.

Lufe busihu bo bunde ni kuli lu lemuhe kuba ni lizazi lelinde kamuso.

Na kupa uni tuse mwa sikolo saka ni kuli ni sike na lwana ni balikani baka.

Ube ni boma ni bondate nako kaufela.

Fuyola muapostola yo muhulu, muapostola ni baeteleli kaufela nikuba sileleza mwa misipili ya bona.

Na kupa utuse bana ba hao, sihulu baba kula.

Taha kapili ulungele kwahae.

Mwa libizo la Jesu

Amen